



Arubaanse Courant

Anja 25

DIARAZON 18 MAART 1964

No. 4990

MERCA Y PANAMA TA REANUDA RELACIONNAN DIPLOMATICO

WASHINGTON, 17 Maart. - Merca y Panama a conveni pa recupera nan relacionnan diplomatica, cu a keda interrumpi na Januari y pa trata pa elimina e desunionnan tocante e canal di Panama mas rapido posibel. Asina embahador Juan Plate di Paraguay a participa ayera.

E embahador ta president di un comision especial di e organizacion di estadonan Mericano, cu a investiga e quiebra entre e dos paisnan.

Dentro di un trinta dia despues di recuperacion di e relacionnan diplomatico gobierno Mericano y Panamena lo nombra embahadornan especial, cu lo worde autorisa pa negosha, cu e intencion pa yega na un acuerdo tocante un areglo husto y razonable.

E negociacionnan aki lo tuma lugar sin condicionnan stipula adelants.

Un portavoz oficial di Merca a declara ayera nochina Washington cu e diferencianan di opinion entre Merca y Republica Panama ainda ta en plena existencia.

E embahador Panamenjo cerca organizacion di estadonan mericano Miguel Moreno ayeranochi a desmenti di a duna una declaracion, cu Merca a bai di acuerdo pa cuminsa deliberacionnan tocante un cambio dje tratado di canal di Panama.

Den un discurso durante un reunion extraordinario dje consejo dje organizacion di estadonan mericano, president Johnson a declara, cu Merca y Panama te ainda no a llega di acuerdo tocante e manerapa soluciona e conflicto cu ta existi entre ambos

pais. President Johnson a desmenti, cu e condicionnan, riba cual nan tabata dispuesto pa delibera cu Panama, lo tresa, cu Merca lo ta di acuerdo pa cambio dje tratado derra cu Panama, manera gobierno di Panama a insinua. E gobierno mericano no a tuma ningun obligacion y for dje cuminzamentu dje deliberacion nan su punto di bista a keda mesuncos segun e president.

President Johnson a ripiti cu su gobierno ta dispuesto pa busca huntu cu Panama pa un solucion justo y razonabel pe kestion cu ta existi.

Scientificonan ingles pa Merca

LONDEN, 18 Maart - Dr. Crossman e ruman homber di 38 anja dje minister di sciencia, dje schaduw kabinet di partido Labourista a participa, cu e lo renuncia a puesto ne universidad, caminda el lo gana doble di su actual sueldo. Dr. Gossman, ta-

Ministro Petronia a regresa Aruba

ORANJESTAD, 18 maart-Diadomingo anochi minister E.O. Petronia a regresa for di Hulanda, despues di varios siman cu el a pasa entre otro na Israel, caminda el a forma parti di e delegacion di Aruba cu a delibera ayanan tocante di fosfaat, y tambe el a forma parti di e delegacion di Antillas cu a trata e promer fase di plan di diez anja pa yudanza di Antillas for di Hulanda. Segun nos a worde informay nos por a bula suplica a worde haci via television y radio na e pueblo di Aruba pa bai encontra minister Petronia na su yegada na aeropuerto di Aruba diadomingo anochi.

E minister a declara di ta sumamente satisfecho cu e resultado di e biahanan pa Israel y Hulanda. En especial tocante di Israel senyor Petronia no tabatin otro palabra cu hopi elogio pa e recepcion y trato cu nan a ricibi na e pais aki. El a declara tambe di worde impresionado sumamente

door di comercio y industria di e pais ey.

Tambe e minister mescos cu gezaghebber O.S. Henriquez a declara di por duna informacion mas extenso tocante di su biaha pa exterior dentro di poco dias.

Na palacio di gobernador N. Debrot y senjora E. Debrot-Reed tabatin un recepcion na ocasion di e bishita di e vice-premier di Ulanda, mr. Biesheuvel y senjora na Antillas. Na Corsow ta biba actualmente un amigo di school di e vice-premier: senyor A.A. J. Janse, cu ta empleado di Shell Curacao ta muntra e momento cu senyor Janse y su senjora ta saluda e pareha Biesheuvel.

FATUM Tel. 1845

pa tur bo aseguronan

bata ehecuta na Inglaterra un trabou di averiguacion contra un sueldo di 12.000 florin pa anja. Nan ta spera cu tres di su cooperadornan pronto lo sigulele pa Merca. E ultimo tempu hopi científico a sali di Inglaterra pa ocupa un puesto na Merca.



SABOR CU NUNCA TA VARIA

IT NEVER VARIES.



NO CAUSA EROSION PESEI

NO COHE PIEDRA Y SANTO SIN AUTORIZACION.

PRESIDENT DE GAULLE A JEGA MEJICO

MEXICO, 18 Maart. - President De Gaulle ayera tardi a llega aeropuerto di Mejico. E president Frances, cu ta companja di su esposa, su minister di asuntunan exterior Couve de Murville y un cantidad de diplomaticonan altu, lo haci Mejico un bishita di tres dia, como contra-bishita riba e bishita di president Mateos anja pasa na Francia.

E president Mejicano y senjora Mateos tabata na aeropuerto pa saluda nan huespednan, General De Gaulle y e president Mejicano a sali despues pa nan palacio nacional, aplaudi pa un multitud grandi. President De Gaulle despues foi e balcon dje palacio nacional a tene un discurso. De Gaulle a papia na Spanjo.

E president a haci un peticion riba pueblo Mejicano di coopera cu e Nacionnan cu actualmente ta dirigi mundu. Un gran multitud a scucha e discurso dje hefe Spanjo di estado. Polis Mejicano a tuma medidanan extenso di seguridad pa llegada dje president.

Nan a vigila specialmente e ocho cien ex Europeonan Argelino cu ta biba na ciudad de Mejico.

E bishita di De Gaulle na Mejico te promer paso di un plan pa revivi e relacionnan tradicional

entre Francia y Latino America. Mayoría parti di su bishita e president lo pasa den e capital, cu deliberacionnan cu president Lopez Mateos y solamente un excursion corticu como turista pafor dje ciudad.

Awe president De Gaulle lo papia pe parlamento Mejicano.

President Lopez Mateos a duna general De Gaulle bienveni como un dje inandatarionan di mas potente di mundu, y a bisa cu su bishita lo alenta coexistencia pacifico y e lucha pa un paz duradero. Den un discurso na Plaza de la Constitucion general De Gaulle a bisa, nada ta mas interesante cu e cooperacion di dos pais manera esundinos, cu ayera tabata lucha pa e mesun ideal y cu awe ta sigui mesun caminda y mayan ta optimista tocante e mesun futuro.

Rosicrucians Amor ta celebra anja nobo dia 21 p.v.

ORANJESTAD, 16 maart - Rosicrucians AMORC rond di henter mundu, ta celebra nan aña Nobo, segun e Egipciano bleuw for di e tempo di Memphis te na Ptolemeus, ariba of mas o menos 21 di maart, esta ora cu solo ta drentando e signo di Aries na cuminsamento di aña Esaki tabata worde considera como cuminsamento di aña Nobo, como cu prima vera tabata worde considera como e simbolo di vida nobo - cu ta worde accentua masha fuerte door di e naturaleza ta lama for di su soño di invierno, e cuminsamento di floriamiento y crecimiento di tur cos cu ta biba.

Fietamento di Anja Nobo ta tuma lugar cu un fiesta sympolico, na unda, cualnan ta contene cierto ingredientenan cu ta igual cu loke tin den naturaleza, manera, salo, juice di druf etc. E dia aki e miembronan nobo di directiva ta worde instala. E oficialnan nobo di Aruba Chapter AMORC cu tin di worde instala ta: E. G. Wong A Soy, Master; sra. van Schouwen Deputy Master; L.F. van Delden Secretary General; E.G. Jagershoek Chaplain; sra. M.E. Hopmans Inner Guardian; G.E. Illis Outer Guardian y F.B. Strijdhoffig Secretary of the Board of Trustees.

E Orde di Rosicrucian AMORC ta un hermandad filosofico cu tin como proposito, studia naturaleza y espacio cu tur leynan di esaki, manera cu nan ta manifesta nan mes den hende y su vida pa reduci supersticion y trece loke hende no sabi na un minimo. E ta basa su principio ariba Pharo Aknathon (Iknathon) cu na biba na mas o menos 1350 promer cu Christo. E aña Nobo ta carga e number 3317.

Graduadonan na St. Gerardus

Oranjestad, 18 Maart. - Door di un error tecnico, un noticia anterior tocante di e graduadonan pa e curso di type di St. Gerardus Cursus a sali den articulo di Cursus Succes. Pa rectifica esaki, nos kler bisa cu e dos cursuronan aki ta completamente los di otro y no tin nada di haci cu otro. Pa completo informacion nos ta ripiti e noticia aki atrobe:

Dia e candidatonan di St. Gerardus Cursus cu dia 14 di ultimo a pasa nan examen, diez un di nan tabatin exito. E diez un feliz nan aki ta: Anneke Jongewaard, Griselda Theresa Maduro, Aleantara Leonardo Maria - Cordeiro, Imelda Ridderstap, John Roderick Habibe, Constance Roos, Wouter Brokke, Olga Camacho, Frankil Lacle y Edgar Leonardo

mientras cu no a cai un decision di instancia mas halto tocante e validez, motibonan y legalidad di e decisionan tuma y e castigonan imponi.

Campeonato di comercio y gobierno

(Di Nos Redactor Deportivo.)

Oranjestad, 18 Maart - Diasabra atardi Elmar apikidos punto mas den e campeonato di futbol di comercio ora cu nan a derrota Marcia Tromp cu e diferente grandi di 6 gol pa 0. Esaki ta victoria number 6 pa Elmar y cusion empate cu nan 11 den 7 weganan hunga, nan tin awor 13 punteronan di A.C.I. Martijn / Aruba Metal a empate na un gol cu Aparicio/Loonstra. Pa ambos ta nan promer empate di e campeonato. E combinacion Aparicio/Loonstra tin awor 9 -



Bon oportunidad

- * Pa motibo di reorganizacion

TA BENDE UN

Voigtlaender Bessamatic

Cu: * ZOOM-LENS 1:2.8 F-36MM
te 82 MM.

- * TAS DI CUERO MASHA LUJO
- * UV-FILTER
- * CAPA PA SOLO
- * REENCHI PA ADAPTION


(prijs di tienda fl. 700.-- awor.....solamente fl. 285.--!)
pa informacion acudi na:
„Arubaanse Courant,”
Nassaustraat 85 - tel. 1116 - 2116

Long John Whisky

This wonderful whisky is again available here. After patient aging and consummate blending of many of Scotland's finest malt whiskies, Long John brings delightful and regal flavour for your enjoyment.

NOS A CABA DI RICIBI, UN LOTE GRANDI DI

MACUTO



For di Portugal. Den tur tamaño, masha bunita y duro. Bon pa cualkier uso. Prijsnan mashafavorable. Pasa awe mes na

La Linda

punto y Martijn/Metal 7 punto. Gebr. van Swaay a triunfa riba Mercurius cu anotacion di tres gol pa dos, loke ta pone van Swaay 31 to 11 punto te na 7 y di Mercurius ta keda na 7 tambe. Cu anotacion di tres gol pa cero, Dony Kad a obtene su victoria number cuatro derrotando Bestuurskantoor. Cu esaki DoHy Kad tin 8 punto, mientras cu Bestuurskantoor tin apenas tres. Otro departamento di gobierno ta keda na cero dia Sabra atardi ta W.E.B. ora cu nan a perde contra di D.O.W. cu anotacion di 0-5. E dos departamentan di Gobierno di mas grandi no duna un wega fuerte ya cu D.O.W. tabata demasiado fuerte pa nan rivalnan di W.E.B. D.O.W. tin awor awor 10 punto riba su number ya alcanza e punteronan di Douane. Di Domingo awor D.O.W. y Douane ta enfrenta otro den un importante partido.

Dia Domingo Bodegom asufri un derrota di 0-6 na man di Aruba Chemical Industries, cu asina ta continua su marcha invicto. - A.C.I. a hisa su total awor te na 14 puntos. Bodegom tin apenas uno y ta den e ultimo puesto den su liga. E score di mas alto ainda den e campeonato tabata e partido entre Petrona & Croes y La Esperanza. E equipo ultimo aki a perde tur speranza ora cu nuebe baha tras di otro na keeper mes- ter a saka bala for di den net. E score final di e partido tabata 9 pa 1 pa Petrona & Croes, cu tin awor 10 punto. E douaneronan a prolonga nan invicto derrotando Onderwijzer-

STOP ASTHMA BRONCHITIS

If you cough, wheeze, can't breathe or sleep well due to Asthma, Catarrh or Bronchitis attacks, get MENDACO from your chemist or store today. MENDACO works through the blood and bronchial tubes to dissolve and remove offending phlegm congestion. Then your cough is curbed, you can breathe freely, sleep like a baby, and regain natural energy. Satisfaction or money back is guaranteed. Get MENDACO from your chemist today.

nan di San Nicolas cu score 11 3 pa 1, loke a duna Douane total di 10 punto. Polis a perde contra di Onderwijzernan di Oranjestad un gol pa cuatro. E polisnan ta den ultimo puesto di e liga di Gobierno, mientras cu e onderwijzernan di Playa tin awor cinco punto.

Diahuebs Juv. Mill vs A.V.B. den corte

Oranjestad, 18 Maart - Segun nos a worde informa e caso cu Juventud Millonarios a trece dilanti di Huez, contra di Aruba Voetbal Bond lo worde trata dia Huezes awor pa 2.30 di atardi. Manera nos a informa caba, dia Sabra pasa abogado J.B. Wix di Juventud Millonarios den number di e directiva di e club aki a entrega un peticion na e Huez pa un caso di kort geding, den cual ta worde pidi pa cierto prohibicionnan - worde haci na A.V.B.



Ultimamente senyor y senjora Roos di Windstraat 36, na Oranjestad a recorda cu ta cincuenta anja pasa cu nan a drenta enlase matrimonial. Aki nos ta mira na robez senyor Bernard Roos (82) y senjora Zoila Roos (75) den combersacion intimo cu otro durante di e recepcion cual a worde duna pa nan boda di oro.

500.000 pa construccion iglesianan na Antillas

ORANJESTAD, 18 maart Pa medio di un carta tur e catoliconan na Antillas nan atencion a worde hala pa e coleccion durante di tempo di cuaresma cual ta tuma lugar den tur iglesianan catolico na Aruba y Corsow, cual coleccion ta destina pa yuda construccion di kapillanan y iglesianan.

E collect aki lo worde teni dia 21 di maart venidero.

Ariba e programapa construccion di e edificionan aki tin pa Aruba dos, esta e kapillanan na wegkust-batterij y esun na Tanki Leendert. Mientras cu Corsow tin cinco ariba programa, esta e kapilla, un iglesia y su pastorie. Sint Maarten tin un kapilla. E programa di construccion aki di dos anja lo costa mas o menos cinco cien mil florin.

A.V.B. a expulsa Juv. Millonarios

(Di Nos Redactor Deportivo)

ORANJESTAD, 18 Maart. - Segun informacionan obteni, dialuna atardi directiva di Aruba Voetbal Bond a tene un reunion carac-

ter di urgencia. E reunion aki a worde yama en relacion cu e caso cu Juventud Millonarios, cual caso manera nos a informa caba a pasa pa un caso dilanti di huez hiba door di e club Juventud Millonarios.

A worde dicidi di aserca e conocido abogado Mr. P.V. Sjiem Fat pa e actua como abogado defensor di Aruba Voetbal Bond, den e caso cual ta worde trata majan den corte.

Mr. Sjiem Fat tabata e abogado cu algun anja pasa den nomber di Aruba Jrs. a hiba AVB dilanti di corte den un conflicto cu e Club di Socotoro tabata tin cu e directiva di AVB.

Un otro decision importante cu a cai den e reunion di urgencia dialuna tabata e expulsion di Juventud Millonarios for di den e seno di AVB. E club Juventud Millonarios pues for di den e reunion ey a perde su afiliacion na AVB y no ta miembro mas di e organisacion ey, segun e decision tum a door di directiva di AVB. E decision aki aparentemente a worde tuma pasobra Juventud a acudi na huez, den busca di su derechonan. Den su peticion entrega siman pasa diasabra na huez, Juventud Millonarios a suplica pa huez prohibi AVB di expulsa Juventud Millonarios como miembro di e Bond,



Dos choke cu dos herido

ORANJESTAD, 18 Maart. - Dia-luna anochi nueb'or y un cuarto a tuma lugar na Savaneta ariba caminda grandi un accidente di trafico. E truck A-6022 maneha pa M.R. a dal e caballero E.C. di cincuenta y siete anja di edad. E caballero C. a worde herida y mester a worde transporta pa hospitaal caminda el a worde tuma pa tratamiento.

Ayera marduga pa banda di un'or e Sportwagen A-8086 maneha pa H.A. a dal contra di un muraya di un cas na Curacabal. Parse cu e chauffeur kier a cende un sigaria mientras e ta corriendo y a perde control ariba e auto. E pasahero M.A. a kibra un braza, corta lip y herida nanishi. Despues di promer yudanza di dokter e victima a worde hiba San Pedro Hospital pa tratamiento. E auto a keda total loss.

A roba homber burachi

SAN NICOLAS, 18 Maart. - Dia-luna marduga polis a atrapa e homber R.T. kende tabata robando un tal C. cu tabata drumi burachi den B. van der Veen Zeppenveldstraat na San Nicolas. Na e momento cu el a worde atrapa, ya T. a kita e holoshi y bril for di C. E persona T. ta un conocido caba di polisnan. El a worde hiba warda y carcela.

Economisacion den ehercito Hulandes

DEN HAAG, 18 Maart - E personal Ulandes den servicio militar obligatorio, cu ta di mas door di medidanan pa economisacion - cerca forza terrestre, lo wordu manda cu verlof mas tempran di loke ta custumber. Tambe nan lo tuma medidanan - pa reduci mas lihe posibel e cantidad di soldanan den servicio militar obligatorio cu pa un o otro motibo ta di mas. Asina e comandante dje forzan Ulandes terrestre teniente general van der Veenabi sa den un carta, den cual e ta informa su b comandante tocante cierto medidanan di economisacion cerca forza terrestre. Tocante personal profesional, cu ta keda liber door dje medidanan tuma caba o cu mester wordu tuma ainda, general van der Veenabi sa, pa te caminda por lo wordu manda pa unidannan na dis-

posicion di NAVO, pa yena e luganan bashi, cu door di necesidad a wordu ocupa.

Pa personal di servicio militar obligatorio. Sobre personal profesional, lo mester tene cuenta cu un trabou temporal. General van der Veen a muestra riba declaracion di secretario di Estado, - Haex, cu si door di varios plan personal profesional di servicio militar lo mester sali foi dienst, nan lo tene cuenta cu e status social dje persona y nan familia-

Torneo di softball pa copa Juliana

Oranjestad, 18 Maart - Diadomingo dia 22 di maart lo cuminsa ariba tereno di Caribe e torneo eliminatorio anual di softball pa Copa Juliana. Den cinco fecha e torneo lo ta completamente hunga y cu excepcion di e final, cual lo tuma lugar dia 24 di april den - Wilhelminastadion, tur e otro partidonan lo ta ariba tereno di Caribe. A toca na Aruba Jrs. y Raibo Bakery pa habri e torneo cuminzando 10'or di mainta. Un ora despues mester enfrenta otro Elamr y Paxton Clippers. Ariba e promer dia aki wega lo worde dicidi e ganadornan A y B.

Expedicion Peruano rondona pa indjan

LIMA, 18 maart, Sobrevivientenan di un expedicion, cu foi siman pasa ta rondona den mundo den Oost di Peru pa un cantidad grandi di Indjannan hostil, awe a hci un peticion desespera pa ayudo. Den nan noticia di radio nan a bisa, cu algun miembro dje expedicion ta na punta di perde - cabez door di e calor insoportable y awaceru y gritamento dje indjannan. Nan ta tira cada cinco minuut. Nan kier asesina nos tur. Haci algo por favor, segun e noticia di radio. E sobrevivientenan, a retira riba un seru, cerca dje riu alavez. Te ainda dos miembro di expedicion a muri 4 ta herida. Militarnan foi Requeña, 80 kilometer dje luga, ta di caminda. E grupo di expedicion ta consisti di 30 civil y 10 militar.

Segun anuncionan di radio cu e escolta militar a manda e expedicion a worde ataca diamars, ora cu el a alcanza un terreno abri den mondi. E expedicion a forma un barricada y e siguiente dia kier a sigui su biaba, pero nan a worde ataca atrobe. Forsanan aerea arma a benta arma, amunicion y comestibles pa e miembronan di e expedicion y reforsanan ta na caminda.

Ora cu dignitarionan altu di ehercito ingles na Cyprus y di .U. a bishita e ciudad Ktima, un poco chikitu a percuira pa un efecto comico door di camna pareuw cu e grupo. Mei mei por mira general Gyani, e representante di Oe - Thant.

"Bij het Algemeen Pensioenfonds van de Nederlandse Antillen kan geplaatst worden een ervaren administratieve kracht.

Vereist zijn de diploma's Gemeente-Administratie I en Gemeente-Financiën en ten minste het Praktijkdiploma Boekhouden. Benoeming geschiedt in de rang van commies of hoofdcommies al naar gelang van ervaring.

Sollicitaties in te dienen bij de Directeur van het fonds, Nieuwestraat no.25, Curacao binnen 14 dagen na datum van verschijning van dit blad."

De Directeur,
M. Sonnema.

STICHTING ZIEKENVERPLEGING ARUBA

HOSPITAAL "SAN PEDRO DI VERONA"

ARUBA. N. A.

Hospitaal "San Pedro di Verona" ta busca algun "Hulpverpeelsters externo".

Pa solicitacion y pa informacion sea asina bon di tuma contacto cu e Directricia di Hospitaal, diahuebs 19 y diabiernes 20 di maart 1964 entre 4- y 5'or atardi.



SKIING NUNS -- E soeurnan aki na Mitterback Austria, ta ser muestra riba e foto ariba den nan pañanan ora nan ta bai ski, y abao bisti cu nan paña di Soeur.

D.r.p.d. Soeur Judith, Soeur Gertruide, Soeur Adelgund, Soeur Helgary y por ultimo Soeur Friedburga.

A. Hodge a sobresali

(Di Nos Redactor Deportivo)

Oranjesatd, 18 Maart - E ultimo weekend atrobe tabata tin hopi actividad di e futuro peloteronan di nos isla. Esaki a cuminsa dia-Sabra atardi cu tres wega di e Liga Sur. Cu e diferente grandi di 23 carrera pa 1. Aruba Lions a derrota Aruab Rotary. Un total di 17 hit e leonnan a conecta, mientras cu nan a pifia den un solo ocasion, Rotary a conecta un hit y comete seis pifia. Pitcher ganador tabata A. Hodge, kende a lanza un one-hitter y por cierto cu bate tabata esun di mas efectivo di e weekend. Den cuatro turno na bate el a logra mes tanto hit, entre cualnan un homerun. Tanto su trabou como pitcher cu como bateador a haci e mercedamente esun di mas sobresaliente di e weekend. Pitcher perdedor tabata R. Wout.

Super Cleaning a continua cu su invictor derrotando Libby's cu score di 3 carrera pa 2 den un interesante partido. E hitnan conecta door di e equiponan tabata pa cada un mes hopi cu e carrearanan cu nan a nota, mientras cu e erornan cometi tabata dos door di Super Cleaning y cero door di Libby's. Pitcher ganador tabata N. vanter Pool, y perdedor tabata S.R. Arends.

Cu score di ocho carrera pa - cuatro Viana's a supera American Legion, den un partido cu total di tres homerun. E hitnan tabata respectivamente 6 y 10 y e errornan 2 y 3. Pitcher ganador tabata R. Weverm perdiendo T. Michaels pa e yankinan. E homerun conecta tabata uno door di J. Croes di Viana's, uno door di T. Michaels y e tro door di M. de Muoy, e dos ultimonan aki di Legion.

Pitcher ganador tabata E. Thiel, perdiendo P. van der Biezen.

Diado go U.S. Keds a supera Pepsi Cola cu score di 14 pa 5. E ganador a logra total di 11 hit y a comete seis error. Pepsi a logra 3 hit y a comete 10 error.

Cinco carrera pa cuatro den favor di C So Grape e partido di nan contra di Aruba Caribbean Hotel a termina. Cu e triunfo aki O So Grape tambe ta continua invicto den Liga Nord. Nan a conecta total di seis hit y comete 7 error, mientras cu Caribbean Hotel a comete 3 hit y comete 7 error tambe. Pitcher ganador tabata J.C. Oduber, y perdedor D. Kelly.

Directiva di Oranjestad Little League a suplica nos informa e hungadornan di e liga aki cu pa e partido di diadomingo awor entre un seleccion di Aruba contra die equipo campeon di St. Domingo, tur hungador di Little League cu acudi na Wilhelmstadion den compania di e manager di nan e-

Reforma agraria na Brasil

RIO DE JANEIRO, 18 maart Joao Goulart a pidi pa reformanan radical agraria na Brazil y expansion di derechonnan pa analfabetonan cu ta forma mitar di epoblacion. Den un mensahe pe congreso el a pidi pa autorisacionnan cu ta duna gobierno oportunidad di coherenonnan grandi di tera cu no ta elabora ainda. E principio cunan mester sigui lo mester ta cu ningun persona mester keda cu tera cu no ta productivo.

Por medio di derecho di propiedad.


Den loke e presidente a bisa nan a saca afo como un referencia pe partido comunista prohibi pasombra e president a bisa, cu e proceso democratico mester ta para habri pa tur ola di opinion politico sin discriminacion ideologico, filosofico y religioso el a pidi pa un pluebecito tocante su programa di reforma cu ta exigui cambianan di constitucion.

den weekend di L.L.

quipo lo por presencia e interesante partido pagando unicamente f. 0,25, esta diez placa. E partido lo ta di tres di un serie cu ta cuminsa diavieñe awor den Lago Sport Park.

Wrigley's a triunfa ariba Nutricia cu score di 10 carrera pa 8. E novena ganador a conecta 8 hit y comete un error, esun perdedor a conecta dos hit y pifia tres biaha. Pitcher ganador D. Flemming, pitcher perdedor J. Tromp.

E president nobo di Venezuela dr. - Raul Leoni aki ta ricibi for di su antecesor dr. Romulo Betancourt e simbolon di su dignidad durante e instalacion oficial siman pasa na Caracas.



Cambodja ta pone termino

PNOMPEN, 18 Maart - Principe Norodom Sihamoni di Camboedja, a declara cu su gobierno lo no participa mas na e propuesto conferencia di Ginebra tocante neutralidad di Cambodja, esta si e deliberacionnan no cuminsa aki un siman, segun un noticia di capital Cambojano.

Ora cu e sub-teniente Wolfgang Ferch di marina Aleman na Kiel a casa den iglesia, su amigonan a percura pa un sorpresa. Saliendo for di e iglesia e mester a corta un cabuya diki cu un sambechi ciku un sambechi chikitu loke tabata un trabou basta pisa.



RON REY DE COPAS

TA REGALA FLs. 3000.--

Na su consumidornan

Simplemente duna e nombenan pa e tres rumannan.

E tres rumannan ta e 3 popchinan den show window na

oficina di Ron Rey de Copas - Wilhelminastr: 47

Tin un premio di fls. 1000.--

pa cada nomber favoreci



**"Las tres hermanas" otro concurso sin igual cu
fls. 3000.-- pa regala!**



1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo nomber y direccion y e nombenan pa e tres rumannan

2) Entregá e formulario aki yená na oficina di Aruba Distilling Co., Wilhelminastr. No. 47 y pereura pa bo recibo, cu ta pega na e mes formulario, ricibi su stempel di entrega.

3) Warda dia 29 di april 1964 y cobra bo placa si e nombenan cu bo a duna ta e nombenan favoreci.

4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.

5) Si tin mas cu un beneficiado, e premio ta ser parti den esnan cu tin e nombenan escogí.

6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.

REY DE COPAS

ARUBA DISTILLING CO.

Wilhelminastr. 47

Tel. 1266



Infiltrasion na Maleisia

koela loempoer, 18 Maart - Gobierno Maleisiano a cuminsa cu tumamentu di contra medidanan secreto pa enfrenta e intencionan di infiltrasion na Singapore y Mallaka. Asina un bosero dje servicio Maleisiano di seguridad den e pais, a bisa na Koela Loempoer. E medidanan a worde tuma, despues cu diabierne pasa a ser hanja na e costa cerca Kota Baroe na Noord Mallaka un caha cu municion pa brengun. Polis a bisa

cu e caha tabata contene municion cu ta den bon condision.

E habitantenan dje pueblo a bisa cu e caha tabatin e stempel di gobierno Indones. Cu den santu banda dje caha nan a hanja huella di zapato di un bushi.

Polis y militarnan a pisca den becindario pa mas municion y arma Indones. Na Johore y Singapore, caminda nan a hanja tambe anuncio di infiltrasion, polis y ehercito a wordu pone den estado di paraatheid.

Prins Bernhard a inaugura e exposicion na Utrecht.

Despues di e acto oficial e prins a bishita e Irenehal nobo. Aki e presidente di e exposicion ir. J.D.H. van der Toorn ta duna e bishitante altu un splicacion.

REAPERTURA

DI

DOROTHY BEAUTY SALON

Awe tardi, 18 di Maart, pa 5or di atardi

Direccion ta na encargo di Sra. Jonkhout, ke

Direccion ta na encargo di Sra. Jonkhout kende ta completamente na ordu di tur su amiganan, conocirnan en particular y henter pueblo di Aruba en general.

Constantijn Huygenstraat 6,
Tel 2110

Forma nobo di chantage

SAN DIEGO, 18 Maart - Un avion di e tipo boeing 707 di e compania "American Airlines", cu 52 pasahero a bordo cu tabata na caminda di Chicago pa San Diego, mester a haci un aterrizaje for di su plan na Denver en conexion cu un yamada telefonica, cu a bisa cu nan lo laga e avion explota den laira via di un sistema electronica si nan no percursa inmediatamente cu un suma di 200,000 dollar lo worde entrega na un cierto lugar.

E avion a worde listra minuciosamente, pero no tabatin bom a bordo. Despues di cinco ora e avion a bolbe sigui su viaje. Recherche federal ta investigando e asunto.

Den diferente pais na di Sur America, campesinonan a cuminsa accionnan pa pone forza tras di nan exigecianan pa reformatan agraria. Tambe na Uruguay esaki tabata e caso. Aki por mira cortadonan di canja di parti norte dje e pais cu ta durante u marcha pa e capital Montevideo ta demostra pa reforma agraria.





Berlin Oriental ta protesta

BERLIN, 16 maart - E comanante di e parti oriental di Berlin, general majoor Helmut Poppe, a protesta den fin di simanasa cerca e comandante mexicano na Berlin Occidental, general-majoor James Polk. Cona e comportacion no autoriza di maneja dornan di vehiculonan militar mexicano na Berlin Oriental.

E agencia di prensa na Berlin oriental ta anuncia, cu solament den luna di feruar vehiculonan mexicano a viola ocho biaa e reglamentunan di trafico den e parti oriental di e ciudad den algun caso esey no solamente a stroba trafico, pero tambe provoca poblacion di Berlin Oriental.

Mariscal ruso tocante A-11

MOSCU, 16 maart - Mariscal aerea Wladimir Soedets, comanante di e trupanan ruso di defensa aerea, a avisa segun un noticia den Izwestia, cu e avion supersonico nobo di Merca A-11, cu e worde utiliza pa finnan di pionaje, lo haya mesun desti-

no cu e avion U-2 (qu a worde tumba riba Union Sovietica). Segun Izwestia Soedets a bisa cu e pretencionnan di periodistanan mericano cu e avion por pasa den defensa aerea ruso, ta completamente incorrecto.

Avionnan di e tipo aki tabata blanconan masha facil pa defensa aerea ruso, asina Soedets a declara.

Prins Bernard y prinses Beatrix a sali pa Merca

DEN HAAG, 16 maart - Su altesa real prins Bernhard y prinses Beatrix a sali cu avion pa Merca, unda nan lo asisti otro siman na e conferencia Bilderberg. Prins Bernhard lo preside e conferencia.

Prins Bernhard y prinses Beatrix ta worde acompaña pa señores A.E. van Braam Houckgeest y señorita M.C.C. Wijnen

Na e conferencia aki lo participa nubes politico di tur agrupacion, industrialnan y otro fi-

Na Londen e capital Ingles a tuma lugar un demostracion cu un speedboat cu motor di turbina cu a worde disenja pa e fabricanan di Rover na Inglaterra. E boto tin un motor di 90 pk.

guranan prominente for di diestete pais di occidente y tambe representantenan di organizacionnan internacional.

Shell ta negocia cu gobierno Cubano

CARACAS, 16 maart - E presidente director di "Koninklijke Nederlandse Petroleum Maatschappij", Jhr. mr. Loudon, a declara na Paris, cu Shell no a cuminsa negociacionnan cu gobiernu cubano tocante pago di dano di perhuicio pa e propiedadnan di e compania cu a worde nacionalisa na Cuba.

El a bisa tambe, cu e posibilidad, cu Shell lo reanuda su

Jean tabata jora y e kler a bay tras di Robert su tata, pero Robert a tene duro. "Lague bay Jean, e mester conforma sumes. E Conde a dal e porta serra duro, y pa un rato tabata reina un silencio den e sala. "Mi a haya un trabao Sr. Bergen" Robert a bisa porfin. "Awor mi por ofresce Jean un futuro esplendido." "Mi tin plena confianza den bo Conde, y mi sa cu mi jiu lo ta den bon man, cerca bo". E dos hombernan a duna otro un fuerte abrazo.

xxxx

Ina no a ripara e muhé cu tabata scondi, ora cu el a sali mencioná di e kamber di e ganadero. Henter ora e mester pensa riba e stem carinioso di e ganadero, y pa promé blaha el a sinti, di berdad, con solitaria e ta. Cu wowonan serra el a keda leun na e muraya y a keda pensa. Poco poco el a bira mas trankil. El a sigui cana y a sali serlo y pensativo for di e cas. E no a mira e mirada yen di odio cu tabata siguié, e no por a sospecha cu Sra. Gertruda a para scucha na e porta, y cu awor e ta raza di rabia y envidia. E anochi ey Ina no a baha bin come junto cu nan, y el a laga escusa su mes. Gilbert ta comiendo sin smaak y cada rato e mester drey mira na e porta, manera cu toch e ta

RADIO CARACAS

TELEVISION

8.45 Senderos de luz
9.00 T.V. Educativa
10.30 Cosas de mujeres
11.15 El hogar y el moda
11.45 Novela
12.00 Noticias
12.05 Show de Renny
13.15 Se necesita una amiga
13.35 Cortos
14.00 Yo se lo vendo
14.30 Documentales
15.00 Estudio de Hector Monteverde
15.30 Perfecta ama de casa
16.00 Mejias y sus muchachos
16.55 Busque su marca
17.15 Loteria
17.30 Revolver a la orden
18.00 El Santo
19.00 Los detectives
19.30 Pajaros de acero
20.00 El Observador
20.15 Torrealba y sus Torrealberos
20.45 Esta noche Billo
21.15 El matrimonio perfecto
21.45 Los defensores
22.45 Noticias
23.00 Cine en español

CUMPLEANJOS

Dia 15 di maart a cumpli anja e chikitin Adi Wolff, felicitacion ta bini di su tata Serapio, mama Juanita, rumanan Tina, Rosa, Ita, Catrien, Jopi, Jantji, Rietji Theo, madrina Luisa Britten, padrino Guillermo Tromp, tantay omonan y demas famia Wolff, Tromp y Werleman.

comercio cu Cuba, no a worde considera.

Jhr. Loudon a bisa di a spli-ca e posicion di Shell na dr. Raul Leoni, kende antayera a worde instala como president di Venezuela. Su antecesor, Romulo Betancourt, a propone pa Venezuela kibra comercio cu paisnan cu ta negosha cu Cuba.

Ta worde acepta cu jhr. Loudon a sigura e president nobo, cu Shell lo no dreতা un acuerdo nobo pa venta di petroleo crudo venezolano cu Cuba.

E premier Cubano, Fidel Castro, recientemente a bisa cu e ta dispuesto pa paga danyo di perhuicio pa e propiedadnan di Shell, pasobra Inglaterra ta hiba un politica comercial correcto cu Cuba.

AGENDA

ARUBAANSE COURANT

diariamente cu excepcion di dladomingo
subscription f. 3,25 pa luna
edicion los 20 ct.

edita pa:
N.V. ARUBAANSE DRUKKERIJ
- en UITGEVERS - en PUBLI-CITEITS MIJ.

Imprlmi na:

N.V. DRUKKERIJ
„DE STAD,,

Telefoon 1116 Directiva y redacion, 2116 Anuncio y subscripcion.

Directeur hoofdredacteur:
D. Wolff.

TELEARUBA

05.30 Cartoons
06.00 N.A.N.A.
06.30 Verrekijker
06.45 Paplamente Newscast Live & Filmnews
07.00 Phil. Silver Show
07.30 Informacion Amstel
07.45 Lassle
08.15 This man Dawson
08.45 Viana's Latest News
09.00 Specials
10.00 Sign Off.

CINE

De Veer: 8.30 p.m. "Follow that dream" all
Rialto: 8.00 p.m. "Sulcidate mi amor" 18 j
Principal: 8.00 p.m. "The Courtship of Eddies Father" all
Aurora: 7.00 p.m. "The Private life of Hitler" all
Savateta: 8.00 p.m. "Atlantis the los continent" 18 j

BOTICANAN DI WARDA

Oranjestad: Botica Aruba Tel: 1080-1081
San Nicolas: Botica San Lucas Tel: 5119

POR CUMPRAR ARUBAANSE COURANT NA E SIGUENTE LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

AMARGA EXPERIENCIA

Novela pa

Pancho Papa la Poncha Pi

No. 24.

"Nos no tin mester di bo placa, Sr. Conde. Nos ta joven ainda y nos por traha. Mi no tin miedo di pobreza, tanten cu mi tin Robert su amor." "Bo ta kere cu bo por lubida e bon bida cu botin awor, y bay y biba pover cu Robert? Ami sa, cu e ta prefera di muri di hamber, pero e no ta acepta ningun cen di su suegro," e Conde a bisa rabia. "Mi sa esey Sr. Conde, pero hamas lo mi duna Robert e berguenza ey, di depende di e placa di mi tata." "Y toch bo kler tene bo palabra?" Conde Branden no por comprende. Placa y posicion tabata e cosnan mas principal pe den e mundo aki. "Si Sr. Conde, lo mi sigui Robert, unda cu e bay. Mi ta stimé, y mi ta spera cu mi amor lo no trece ningun berguenza pe despues. Mi sa tur caba Sr. Conde, Jean a contami. Bo tata ta ey den Conde Robert su wowonan tabata brilla pelligroso. "Despensami, Sra., pero mi mester defende Jean," el a bisa sin rosea. Maria a comprendé y el a habri e porta. "Ro-

bert," cu wowonan hanchu habri Jean a keda miré "Jean, bin cerca mi," el a bisa cu un stem hees, mientras el a tene den su brazanan. Despues Robert a drey mira su tata. "Mi no sa, kiko bo a bin haci akinan, papa, pero mi ta spera cu ta pa algo bon," el a bisa cu rabia.

Despues el a dirigi su mes na Pablo. Sr. Bergen, ami cu Jean ta stima otro. Pesey mi ta pidibo su man," Pablo sucara a bira contento, y el a hala un roseapi-sá, pasobra el a sinti su mes aliviá.

"Si boso dos ta di acuerdo cu otro, e ora ey mi no por bisa nada mas, sino tumabo como mi yiu homber, Conde Robert," el a bisa cordial. "Roberti," E Corde a corre bin riba su jiu "Bo ta realisa e resultadonan di hecho aki?" "Si papa, pordonami, pero mi ta stimé y mi no por haci otro cos." Keto e Conde a sal di eyden, un homber kibrá, cu perde e cos di mas bunita, cu bida por a duné: Un jiu homber.

ta gusté. Ta ki gran hende e ta anto? "Wel, nos tur ta stimé, e ta asina cariniosa y tímida, y toch bo por mira cu e mester tabata felis un tempo. Pero nunca e ta conta algo di su mes, y un blaha cu mi a puntré, el a keda mirami sin stranjo, cu mi no a haya gana di sigui puntré. Si, e prome dianan, cu el a bin akinan, henter ora e ta cana bay bin den su kamber. Y e tabata strobami di drumi tambe. Parce cu e tin un sufrimiento grandí.

Un anochi mi kler a bay cerca dje, pasobra mi ta drumi den e kamber banda esun di dje. Mi a sintié ta cana pariba pabou, y mi kler a puntré ta kiko ta falté. Pero ora cu mi a jega dilanti di su porta, mi a tendé ta jora, y mi a haya miedo di dreতা.

Gertruda ta scucha cu atencion, kizas e por haya un manera di liquida Ina, kende tanto e ta odia. "Pover muhé," e ta ganja bisa, y e mes a keda sorpresa con bon e por hunga comedia. "Y bo no a haya sa, kiko a pasa cu né anto?" "No, despues el a bira mes calmo, y mi ta kere, cu akinan el a haya sosiego. Hasta e ta hari awor, ora e hunga cu un mu-

cha. Y parce cu e ganadero joven ta loco su tras. Pero mi no ta kere cu e ta worry mucho cu homber.

E TA SIGUI.....

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

Pa cortesia di:

REFRESQUERIA INGRID

tel: 1849

E mihor adres pa snacks, tur clasa di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



Alemania Oriental ta retira hefe di turismo

BERLIN, 16 maart - E director pa turismo internacional di e oficina nacional di viaje na Alemania Oriental, Helmut Heinicke, a worde retira huntu cu dos otro colaborador. Segun e oficina di informacion anti-comunista na Berlin Occidental a participa, Heinicke na cumin-samento di e siman aki a emiti reglanan en relacion cu un areglo nobo pa pasaheronan di transito door di Alemania Orien-

tal cu fecha prome di april, cual e no tabatin derecho di haci. Segun e areglo en lo futuro habitantenan di Alemania Occidental y Berlin Occidental lo tabatin mag di keda 2 ora den diferente ciudad Aleman, si nan tabata di transito na Alemania Oriental.

Dos dia despues cu e reglanan nobo a worde participa nan a worde desmenti pa fuentenan oficial di Alemania Oriental.

Paisnan creditor di Brasil ta reuni

PARIS, 16 maart - Na Paris a worde informa di fuente fidedigno cu e paisnan creditor di Brasil lo reuni dialuna y diamars

na Paris pa investiga e situacion den cual Brasil ta.

Ta trata di e grupo di paisnan Europeo di e club di Den Haag huntu cu Merca y Japon.

Papp ta gana di Scott pa punto

VIENA, 16 maart - Lazlo Papp, e campeon europeo den peso mediano, na Viena a gana pa punto di e Ingles Harry Scott den un pelea capta pa dies-round. Papp tabata continuamente den ofensivo, pero e no a logra kibra e defensa di e Ingles.

Chili ta hanja \$ 70 millon

WASHINGTON, 16 maart - Merca a pone un suma di 70 millon dollar pa yudanza na Chile den cuadro di e programa "alianza pa progreso".

E agencia pa desarrollo internacional lo duna Chile un credito di 40 millon pa import di mercaderianan mericano y servicionan di e pais ey.

Banco di export e import ta fla Chile 15 millon dollar pa compra di machin y equiponan. E ministerio mericano di finanzas a firma un acuerdo di stabilisacion di valuta te na 15 millon dollar.

Horoscopo personal

ARIES 21 Maart - 20 April

Anochi laat y tras di merdia ta muestra di ta sumamente favorable pa asuntonan priva, tumamento di iniciativa nobo, firmamento di contract. Anochi por trece ganashi den cualkier sentido.

TAURUS 21 April - 21 Mei

Tambe awe bo por logra hopi for di personanan keri of personanan cu hopi influencia. Contactnan nobo lo trece hopi bon. Si bo por tabatin cierto plannan awor ta e tempo pa realisa esakinan.

GEMINI 22 Mei - 21 Juni

Esaki por bira un dia di importancia pa bo popularidad. Si bo tin di pidi cooperacion of yudanza di personanan cu puesto halto cu hopi influencia awe ta e momento pa bo haci esaki.

CANCER 22 Juni - 23 Juli

Awe ta un dia yen di ventura pa bo y bo tin hopi influencia. Laga esnan cu kier bo bon saber loke bo tin intencion di haci of ta desea di haci. Pone mas atencion awe pa muchanan y hendenan dependiente, manera hende malo.

Pa BOEKI „SONJO“, na spanjo y Ingles cu interpretacion di number di suerte.....
..NICOLAAS STORE..
Tel...5385 - San Nicolas

LEO 24 Juli - 24 Agosto

Por ta cu lo bo sinti bo me cansa of poco malo. Aribateren comercial ta muestra cu lo bo por tin ex-tonan grandi. Cambianan ta di importancia pa bo reputacion.

VIRGO 24 Agosto - 23 Sept.

Bon noticia cu bo lo ricibi awor probablemente lo bin via un partner of colaborador intimo. Yama danan telefonico of carta for di suma importancia awe.

LIBRA 24 September - 23 Okt.

Un bon dia pa bo financianan bo por tin ganashi door di otro personanan, anuncionan of contractnan. Paga bo debenan y mira pa cobra e placa cu otro nan debo.

SCORPIO 24 Oktober - 22 Nov.

Bo por tin hopi exito cu bo partner of colaborador. Laga nan tum e decisionan pasombra parse cu nan tin e capacidad awe pa tum e medidanan exacto of e contactnan cu tin mester.

SAGITTARIUS 23 Nov. - 21 Dec.

Un bon dia pa bo trabao, empres caminda bo ta traha, contact cu bo superiornan y coleganan. Nan lo aprecia loke bo haci pa empresa awe. For di noticia y deliberacionnan por sali bo probecho.

CAPRICORNUS 22 dec. - 20 Jan.

Algun acuerdonan of decisionan vital por worde tuma awe. Pa es cu bo lo por haci areglo na arlba tereno di amor, sin ningun dificultad.

AQUARIUS 21 jan. - 19 febr.

Esaki por bira un bon dia pa loke ta trata bo propiedadnan asunto di placa. Na cas bo lo por tin diverticion cu miembran di famia of yunan.

PESCES 20 febr. - 20 maart

Awe bo tin masha hopi influencia percura pa bo haci uso di di Blahamento, bishitanan y conferencianan por tin un resultado masha desfavorable awe.